


TERVETULOA FÖÖRSKUULAAN!



Met toivoma ette sie triivastut!



ESITTELY

Met tehämä perustan tärkeälle yhteistyöle!

- Lapset ja vanhemmat tuntevat ittensä turvalliseksi föörskuulan kans
- Lapsi oppii tunthen ainaki yhen petakookin omassa tahissa ja tulheen utehlihaaksi meän toiminnasta ja muista lapsista
- Vanhemmat saavat kuvan toiminnasta ja miltä päivä föörskuulassa saattaa näyttää

Esittely saattaa viä yhestä (1) kahteen (2) viikkoa, mutta saattaa kestää eri pitkhään lapsen tarpheesta riipuen.

Planeeraa mielellänsä kaks viikkoa.

Met kuuntelemma aina lapsen tarpheita ja soppeumma niitten mukhaan.

ERIT ROOLIT


Ensimmäisenä aikana olet sie, joka olet huoltaja, myötä koko ajan.

Sie seuraat myötä sinun lasta förskuulan päivittäisissä rutiineissa. Ko sie lohutat, leekaat ja praatit sinun lapsen kansa, met saama tietoa kunka met parhaimmalla laila kohtaama sinun lapsen.

Esittelypetakooki oon lähelä ja ottaa kontaktia ja luopi suhteen lapsen kans. Sen mukhaan kunka lapsi reakeeraa, met soppeutamma ajan niin ette sie vähän kertaa jätät enemmän ja enemmän vastuuta meile petakokeile. Lapsen häätty saaja kokea, ette sie menet ja tulet takasin. Ko sie et ole täälä, se on meän tehtävä förskuulassa olla lähelä ja lua turvallisuutta.

Hyvä yhtheistyö ja avvoinkommunikaatio tekee hyvän pohjan sinun lapsele olla förskuulassa.

Esittelyajan jälkhiin met puukkaama ajan seurantakeskustelhuun.



Jättö ja hakeminen

Oon tärkeä, ette oon kunnan rutiinit ko vastuu lapsesta siirtyy vanhemmilta föörskuulale. Lapsela oon tärkeätä saaja selvä ”heipähei” hältä joka jättää lapsen ja ette petakooki ottaa vasthaan lapsen.

Se saattaa välihin olla tuntheellista ette vanhempi mennee poies. Tässä ei ole oikeata eikä väärää. Tärkeintä oon, ette met opima tuntemhan justhiin sinun lapsen tarpheet niin ette met saatama tehdä hälle niin turvallisen miljööön ko mahdollista.

Jokku lapset haluaa heän napin eli heän nallen.



Jos sie olet kiusassa, soita mielellänsä meile päivän aikana, ette kuulet kunka se mennee.

Jätön ja hakemisen aikana met yritämmä löytää hetken praatia esimerkiksi kunka päivä oon menny. Joskus oon piiaim vaikea jättää lapsiryhmä eli aktiviteetti, mutta yhdessä met pruuvaama löytää hyvän ratkasun.

Jos kotona oon sattunu jotaki erikoista, kerro se mielellänsä meile, niin met saatama ottaa huomioon lapsen tarpheet parhaala laila.

Tempus Hemma

LÄNKKI

Käytä meän tikitaalista läsnäolojärjestystä. Lattaa mielelänsä appi sinun mupiihliin. Sinne sie laitat lasten ajat sinun työaikojen ja matkustamisseen menevän ajan myötä. Jos sie laitat sjeeman pitemmäksi ajaksi, se auttaa meitä förskuulassa planeeraahmaan. Ilmota niin hoppua ko mahollista maholliset leetit eli jos lapsi oon siukka.

Jos joku muu noutaa lapsen, häätyy seki laittaa Tempukseen etukätheen ja mielellänsä kuvan kansa, hänestä joka hakkee.

Tempuksen kautta lähetethään tähellistä tietoa. Piä siksi vaari viesteistä apissa!

Siukka lapsi

Ilmota Tempuksessa niin hoppua ko mahdollista, miehluusti ennen kello 07.00Sillä on merkitystä ruuan tillaukseen ja henkilökunnan planeehrinkhiin.

Ilmota kansa Tempuksessa, koska lapsi tulee takasin.

Päivä förskuulassa on useasti ankarampi lapsele ko päivä kotona. Siksi se on tähellinen tutkia kunka paljon uskothaan, ette lapsi jaksaa hänen ylheisen voinnin perusteela.

Lapsen häätyy olla 48 tiimaa ilman symtoomia, ennenkö hään tulee takasin förskuuhaan, jos hälle on ollu vattatauti.

Vähentääkseen tauin leviämistä, häätyvät lapsen sisaruksetki jääjä kotia, jos teilä on useampi lapsi förskuulassa.

Apua lasten tauthein löytyy www.1177.se

Förskuula toimii heän neuvojen ja kehotusten mukhaan.

Auttamalla toisia met kaikin pysymä terhveenä.



Hyvä tietää

- Förskuula on **oma kouluformi**, jota ohjaavat Kolulaki ja förskuulan läroplaani.
- Kaikila förskuulassa on **salassapitovelvollisuus** ja asioista sielä ei saa praatia kelheen ulkopuoliselle ilman sinun luppaa, paitti vississä taphauksissa, katto seuraava kohta.
- Kaikila förskuulassa on **ilmotusvelvollisuus**. Se tarkoittaa ette olhaan velvollinen othaan yhteyttä Sosiaahliin jos on huoli ette lasta hoiethaan huonosti.
- **Vanhempainkokkous** eli vastaava prukathan planeerata syystermiinin aikana.
- **Kehityskeskustelu** tarjothaan vähinhään kerran vuessa, ja siinä informeerathan kunka sinun lapsi triivastuu ja kehitty.
- Met olema ulkona suurimman osan päivästä. Laita lapsen myötä **hänen nimelä merkittyjä ekstravaatheita** joka sääle.
- Jos on tarve **erityisruuale**, käytä länkkiä [e-palvelu](#) ja sielä “Specialkost -ansökan” kunnan sivula www.kramfors.se.
Katto kans [LÄNKKI](#)
- Frukoosti on noin kello 7.30, Lynsi noin 11.00 ja välipala 14.15
- Förskuulala on kolme **koulutuspäivää** per vuosi. Silloin förskuula pyytää teitä ornaahman lastenhoijon toisela laila. Jos se ei ole mahdollista pruuva förskuula ornata sen oman eli toisen förskuulan kansa.

**Ottakaa yhteyttä jos teillä on
kysymyksiä!**

**Met toivoma ette sinun lapsi
triivastuu!**



**KRAMFORS
KOMMUN**

Sivistyslautakunta/ Bildningsförvaltningen, 872 80 Kramfors

Käyntiosote/ Besöksadress Torggatan 2

Telefooni /Telefon 0612-800 00

Faksi / Fax 0612-71 13 25

kommun@kramfors

